



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

SS. Innocentes Martyres. 28. Decembr.

[urn:nbn:de:hbz:466:1-62968](#)

SS. INNOCENTES MARTYRES.

28. Decembr.

Herodes mittens occidit omnes pueros, qui erant in Bethlehem, & in omnibus finibus ejus, à bimatu & infra. Matth. 2.

Mala omnia nunciabat Herodi nuncius à Magis allatus. Quid? mea demum corona erit, quæ duos Reges ferat? aut Regni mei alienum hæredem vivi spectabunt liberi? vivus ego? quin caput illi nunc afero, ne ille diadema mihi? purpuram si ambit, domi habet; suo pingat de sanguine. At ne novi quidem hostem meum. Hoc plus etiam metuo. Certe infans est. Pereat hic omnis in Regno, ut unus ille pereat. Etiam innocens? jam nocens est, qui hostis est. Sed qui hostis? quia ego hunc timeo. Sed tyrannum dicent. Nimirum vetus hoc Regis nomen est. I. miles, omnes bimulorum cunas everte; balneum his para cruentum, sed dignum hoste. Hæc ille; cùm interea Angelus

gelus Parvulum Regem, Magnumque exullem in Ægyptum, gloriosâ fugâ, deducit. Sæviit nihilominus barbarus mucro. Ubiue clades & funera. Vidisses majora vulnera, quam corpora, plus lactis fundi quam sanguinis; hunc saxo, illum capulo frangit; hunc è gladio, illum ab hasta pendere, multis teli vicem militis vultum esse. Dedit tamen pœnas Tyrannus: morborum enim omnium theatrum factus, eodem anno, cum tot homicidia parricidio insuper maximi natu filii cumulasset, vitâ regnoque excidit periitque. At prætextata illa turba cælo scilicet vivit, ridetque etiam nrum tyrannum, quod talis Infantres timuerit. Ex Bar. & Saliano.

M E D I T A T I O.

De Feste SS. Innocentium.

I. **H**i pueri nondum nôrunt Christum, pro Christo tamen sanguinem fundunt. A tanto tempore Deum nôsti, utpote, qui innumeris beneficiis te ornârit, quid piger es ejus in obsequio? horum puerorum exemplo, ætatis tuæ florem, & annorum primitias consecra Domino tuo, *Quam beata ætas?*

Dd 4

necdum

necdum Christum potest eloqui, & jam pro Christo meretur interfici? Eus. Emess.

2. Hi primogenii Martyres non loquendo, sed moriendo confessi sunt. Expedit ad Dei gloriam, ut patiaris silentio, dum calumniis, dum persecutionibus vexaris, sile, & patere. Coram Deo muta patientia eloquentissimum testimonium est virtutis. Non verbis, sed factis probatur fidelitas servi, Frustra dicis: *tuus sum Domine, nisi passus fueris & laboraveris in gratiam Domini tui.*

3. Si cœlum cogitas, habeas, oportet, horum puerorum innocentiam. Quod si candidam baptismi vestem fœdâris, elue maculas ejus aquis pœnitentia. Oculi mei! nunc largos fletus fundite, quibus inferni & purgatorii ignes extinguantur, & abluantur peccata mea. Nihil coquinatum intrabit in regnum cœlorum. O te beatum, si, ut illi parvuli, Martyrii palmâ donares! Ætas necdum habilis ad pugnam, idonea extitit ad coronam. Cypr.

S. THOMAS ARCHI- EPISCOVVS.

29. Decembr.

Qui servat mandata ejus, in illo manet,